

Caka - Woodi-Halleende Nyumo Deftere Ceniinde - Good-Bad Mind Scriptures

Woodi Nyumo Deftere Ceniinde - Good Mind Scriptures

Markus 5:15 Nde be ngari to Yeesu woni, be ng'i goodunoodo ginni duddi on, e mo joodii don, e bornii, e mo nder hakkiilo maako. Koo moye mabbe huli.

Luka 8:35 Sey yimbe ben njahi ng'i'oya ko fofi. Nde be ngari to Yeesu, be tawi burtinanaado ginni on e joodii haade Yeesu, e bornii, e mo nder hakkiilo maako. Koo moye mabbe huli.

Kuude Lilaabe 17:11 Yimbe gariiri Biiriya burii yimbe Tasaloonika ngikku boddum ngam be njabii habaru dum Bulus waddanibe e juude didi. E be lincita Deftere Ceniinde koo ndeye nyalnde, ngam be ng'a koo ko Bulus ekkintintabe dum goonga.

Kuude Lilaabe 20:19 Mi huwanii Joomiraawo nder lestinki hoore e gondi duddi, koo nde mi yarri torraaji duddi e juude Yahuudanko'en.

Roomanko'en 7:25 Yettoore tabbita to Jehovah barka Joomiraawo meeden Yeesu Almasiihu! Ngam non, min e hoore am nder bernde am mi maccudo dooka Jehovah, ammaa ngam ngikku am dum hakke mi maccudo hakke.

Roomanko'en 8:6 Yowuki bernde dow ko bandu yidi e dum fooda halkere, ammaa yowuki bernde dow ko Ruuhu Jehovah yidi e dum wadda yonki e jam.

Roomanko'en 8:27 Nden Jehovah andudo ko woni nder berde meeden, e mo andi ko Ruuhu yidi, ngam Ruuhu e toroo Jehovah ngam yimbe maako non no o yidiri.

Roomanko'en 11:34 Aayaare wi'i, "Moye meedi anduki ko woni nder bernde Joomiraawo? Moye meedi wartuki kokkaydomo caawori?

Roomanko'en 12:2 To' on njabu nyumo moodon warta iri ngo yimbe be tokkaayi Yeesu, ammaa alee Jehovah mo"ina jonde moodon e nyumol moodon, ngam paamon ko o yidi ngadon, waato ko woodi, e ko welnantamo bernde, e no njoodortoodon jonde kewnde.

Roomanko'en 12:16 Njoodee jonde jam hakkunde moodon. To' on mawnin ko'e moodon, ammaa kawtee ko'e moodon e yimbe be dum hoccii naa' be goddum. To' on koccu ko'e moodon bo on burii yimbe koriibe faamu.

Roomanko'en 14:5 Goddo hoccii wonde nyalnde burii wonde mangu, goddo boo hoccii nyalde fuu e pottidi. Koo moye moodon tabbitina ko faami.

Roomanko'en 15:6 Non ngartirton be honduko go'o be nyumo go'o nder mawninki Jehovah Nyaako Joomiraawo meeden Yeesu Almasiihu.

1 Korintiyanko'en 1:10 E mi toroo'on bandiraabe ngam inde Joomiraawo meeden Yeesu Almasiihu, on fuu njabee ko mbi'oton warta go'o ngam to' dum heba feeroottiol hakkunde moodon, ammaa nyumo moodon e berde moodon warta go'o.

- 1 Korintiyanko'en 2:16 No aayaare wi'i, "Moye meedi anduki nyumo Joomiraawo ngam ekkitinamo?" Ammaa enen en paamay fii du'um ngam en nyuma no Almasiihu nyumirta.
- 2 Korintiyanko'en 7:7 Naa' warki maako tan waltini berde amin, ammaa habaru dum o hokkimin no mbaltinirdon bernde maako. O wi'iimin no kaabirdon ngi'onyam, e no ngannirdon dow ko ngadandonyam, e no ngidirdon wallukiyam. Kanjum beydaniyam welweltuki.
- 2 Korintiyanko'en 8:12 Ngam to on ngoodi berde hokkuki ballal, Jehovah jabay ko kokkudon. Jehovah e raara ko ngoodudon, naa' ko on ngalaa. (1 Habaruji Nyalaade 28:9)
- 2 Korintiyanko'en 9:2 Ngam e mi andi on ngidi walluki naa' sedda. Mi mantorake'on yeeso yimbe Makidooniya mi wi'iibe onon yimbe Akaaya on ciryake kokkon ballal daga rowani. Tiinaare moodon wadi dudbe nder mabbe pudsdi walluki.
- 2 Korintiyanko'en 13:11 Too, bandiraabe am, sey nyalnde go'o. Mo"inee jonde moodon, ngadee ko toriimi'on ngadon, ngartee be nyumo go'o, njoododee jam. Jehovah joomu yidde e jam wonda e moodon.

Aafisanko'en 4:23 E haani nyumo moodon e ngikku moodon wartiree kesum.

Filibiyanko'en 2:2-5 No mbelnirantonyam bernde woni nyumo moodon warta go'o, on ngidindira, on kawti ko'e. 3 To' on ngadu koo dume nder yidde hoore koo nder mangu hoore, ammaa nder lesnuki hoore koo moye hocca bandiraawo muudum buriimo. 4 To' koo moye moodon yida ko nafanta hoore muudum tan, ammaa o yida ko nafanta wobbe maa. 5 Ngikku moodon warta iri dum Yeesu Almasiihu.

Filibiyanko'en 4:2 E mi toroo Yuudiya e Sintiki be ciryootira ngam kambe dum be Joomiraawo.

Filibiyanko'en 4:7 Nden jam dum Jehovah hokkata yabbiidum faamu neddo dum suray berde moodon e nyumo moodon ngam on cumpootira e Yeesu Almasiihu. (Icaaya 26:3)

Koloosiyanko'en 3:12 Onon on yimbe be Jehovah subi, on cenibe be o yidi naa' sedda. Ngam non, ngartee goodube yurmeende e yidde leynoobe ko'e, goodube hakkiilo e munyal.

- 2 Tessaloniki 2:2 to' hakkiilo moodon ummilawoo koo ngannon dow yimbe bi'oobe nyalnde nde Joomiraawo wartoya warii. Dum gadotoodum be mbi'a minon mbi'i non nder annabaaku, koo nder wa'ajinki, koo boo nder derewol min mbindidum.
- 2 Timootee 1:7 Ngam Joomiraawo hokkaayi'en ngikku kulol, ammaa o hokkii'en ngikku yidde e bawde e suruki ko'e meeden.

Tiitus 2:6 Non maa waggin kaye'en be cura ko'e mabbe.

Ibraaniyanko'en 8:10 O beydi wiiki, "Raa alkawal ngal ngaadaymi e yimbe Israa'iila gada balde den. Mi waday dooka am nder nyumo mabbe, nden mi windadum nder berde mabbe. Mi wartay Jehovah mabbe, kambe boo be

ngartay yimbe am.

- 1 Biiturus 1:13 Ngam non, ciryee berde moodon, curee ko'e moodon, ngadee kammunde moodon fuu dow barka dum um hokkata'on nyalnde wartoyki Yeesu Almasiihu.
- 1 Biiturus 5:2 E mi toroo'on, paamanee ornde Jehovah nde dum tambini'on. Paamaneende nder beldum bernde, naa' bo doole dum wadata'on, donmaa naa' ngam hebuki ceede, ammaa ngam on ngoodi yidde kuugal ngal nder berde moodon.
- 2 Biiturus 3:1 Onon be ngidumi, ngo'ol woni derewol am didabol ngol mbindanmi'on. Nder dereeji am di fuu didi mi siftoranii'on ko andudon ngam nyumooji moodon ngarta labdi.

Yaakubu 1:17 Koo ngale dokkal bongal e koo dum caahu jamum fuu daga to Jehovah Nyaako Mo Dow dum yiwoyta, tagudo naange e lewru e koode. Kanko o waylitataako, o nandaa e dowdi goosotoondi. (Ayuuba 23:13)

Wahayu Yahaya 17:9 "Do'o e haani neddo huutira faamu ngam anduki ma'ana du'um. Ko'e joweedidi den don dum yoole joweedidi to debbo on don joodotoo, donmaa kanje ngoni laamiibe njoweedido.

Halleende Nyumo Deftere Ceniinde - Bad Mind Scriptures

Markus 7:21 Ngam daga nder bernde neddo nyumo kallungo wurtoynoo, e waduki njeenu hakkunde yimbe be ngalaa teegal, e nguyka, e warhoore, e njeenu, (Ejekiyel 38:10)

Luka 12:29 "Nden to' on ngadu berde moodon dow ko nyaamaton koo boo ko njaroton. To' on ngannu ko'e moodon dow maajum.

Kuude Lilaabe 12:20 Hirudus e monnana yimbe gariije Taaya e Sidon. Sey yimbe gariije den kawriti njahi to maako. Be arti narruki e mawdo kuwanoobe Hirudus bi'eteedo Bilastus. Nden be njahi to Hirudus, be torii jonde jam hakkunde mabbe, ngam nder leydi maako be kebata nyamndu.

Kuude Lilaabe 14:2 Ammaa Yahuudanko'en nganyube kooloo Yeesu ummini berde yimbe naa' Yahuudanko'en ngam be nganya tokkuge Yeesu.

Roomanko'en 1:28 Nde be nganyii be anda Jehovah, Jehovah aliibe be tokka nyumooji kalludi ngam be ngada ko haanaa dum wada.

Roomanko'en 8:6,7 Yowuki bernde dow ko bandu yidi e dum fooda halkere, ammaa yowuki bernde dow ko Ruuhu Jehovah yidi e dum wadda yonki e jam. 7 Ngam yowuki bernde dow ko bandu yidi dum wanyuki Jehovah, dum tokkataa ko dooka Jehovah wi'i, dum waawataa wadukidum.

Roomanko'en 11:20 Du'um dum goonga. Be itta daga lekki kin ngam be koolaaki Jehovah, ammaa an boo a takka e lekki kin ngam a hoolake Almasiihu. Ngam non, taa' mawnin hoore, ammaa jooda nder kulol Jehovah.

2 Korintiyanko'en 10:5 E min keba jaalorgal dow koo diye geddi e mawnitaare kadaynde yimbe anda Jehovah. E min nanga nyumooji fuu, min ngartiradi gadaydi ko Almasiihu wi'i.

2 Korintiyanko'en 11:3 Ammaa e mi hula to dum warta no mboodi yoyriri Hawwaa'u e yoyre mayri kallunde, onon maa dum majjina'on alon tokkuki Almasiihu e bernde go'o e bernde laabunde.

Aafisanko'en 2:3 Goonga, non ngikku meeden wa'unoo: en ngada ko ngidden, en tokka ko balli meeden e berde meeden ngidi. En danyiraama ngikku kalludum bo horiibe nder duuniyaaru, monnere Jehovah boo e dow meeden.

Aafisanko'en 4:17 E mi wi'a'on du'um, e mi beyda wagginki'on nder inde Joomiraawo, alee jonde iri nde heeferbe be nyumooji meere.

Koloosiyanko'en 1:21 Ndenno on ngodditake Jehovah, on wanywanybe maako ngam berde moodon nganyiimo nden ngam on kuwa kuude kallude. (Misaalu 21:27; Ejekiyel 23:17)

Koloosiyanko'en 2:18 E woodi wobbe yidube lesnuki hoore ki fewre e mawninki malaa'ika'en. To' on alu be njawana'on. Iri mabbe e be mbi'a e be ngi'a wahayu. E be yefta ko'e mabbe e meere, ngam nyumooji mabbe dum di duuniyaaru.

1 Tessaloniki 5:14 Donmaa e min toroo'on bandiraabe, kabanee be ngidaa kuugal, cembidinee gewrube, mballee be cembidaa, ngaadee munyal e koo moye.

2 Tessaloniki 2:2 to' hakkiilo moodon ummilawoo koo ngannon dow yimbe bi'oobe nyalnde nde Joomiraawo wartoya warii. Dum gadotoodum be mbi'a minon mbi'i non nder annabaaku, koo nder wa'ajinki, koo boo nder derewol min mbindidum.

1 Timootee 6:5 O giddo yeddootirki ki re'ataa e yimbe be nyumo baatungo, be ngalaa goonga, nyumoobe tokkol Jehovah dum datal hebuki ceede.

2 Timootee 3:8 Be kollay bo be tokkuge Jehovah, ammaa be nganya bawde maako. Woddita iri yimbe ben don.

Tiitus 1:15 Koo dume e laabani be berde laabude. Ammaa be berde de laabaa e be njabaayi goonga, walaa ko laabanibe, ngam hakke wonnii berde mabbe e nyumol mabbe.

Ibraaniyanko'en 12:3 Nyumee dow no o munyiri nde gadoobe hakke nganyimo. Non wallay'on to' ngewron itton kammunde.

Yaakubu 1:8 Bernde maako sendake didi, o darnataa bernde maako nder ko o wadata fuu.